

UNIVERZITET U TUZLI

Broj: 01-13-JN-10/23

Tuzla, 24.04.2023. godine

Na osnovu člana 70. Zakona o javnim nabavkama BiH («Službeni glasnik BiH» broj: 39/14 59/22) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-13-JN-9/23 od 17.04.2023. godine, po punomoći Rektora Univerziteta u Tuzli broj: 01-2593-1/20 od 11.06.2020. godine Direktor za ekonomske poslove donio je

O D L U K U

O DODJELI OKVIRNOG SPORAZUMA I UGOVORA

I

U okončanom otvorenom postupku javne nabavke konzerviranog i zamrznutog voća i povrća za potrebe restorana Studentskog centra sa sukcesivnom isporukom do 31.12.2023. godine izabran je ponuđač „Redex“ d.o.o. Banovići sa ponudenom cijenom u ukupnom iznosu od 14.740,48 KM sa PDV-om, te se istom dodjeljuje okvirni sporazum i ugovor o nabavci.

II

Ponuda ponuđača iz tačke I ove Odluke ocijenjena je kao najpovoljnija iz razloga što kao prihvatljiva ponuda ispunjava sve uslove postavljene u tenderskoj dokumentaciji i što je nakon provedene e-aukcije imala najnižu cijenu.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

Obrazloženje

Univerzitet u Tuzli pokrenuo je postupak javne nabavke konzerviranog i zamrznutog voća i povrća za potrebe restorana Studentskog centra sa sukcesivnom isporukom do 31.12.2023. godine s namjerom zaključivanja okvirnog sporazuma sa jednim ponuđačem putem Otvorenog postupka javne nabavke broj: 01-13-JN-2/23 od 06.02.2023. godine, objavljeno na portalu javnih nabavki “E-nabavke” broj: 795-1-1-3-3-33/23 od 22.02.2023. godine, Službenom glasniku BiH“ broj: 12/23 od 24.02.2023. godine te web stranici Univerziteta.

U ostavljenom roku ponude su dostavila tri ponuđača: „Lala i Laćo“ d.o.o. Bijeljina, „Bosna-Kom“ d.o.o. Gračanica i „Redex“ d.o.o. Banovići.

Komisija je pregledala dostavljene ponude i konstatovala da ponuđač „Lala i Laćo“ d.o.o. Bijeljina u sklopu svoje nije ovjerio pečatom svaku stranicu ponude, a u tački 4.2. Način izrade ponude u Tenderskoj dokumentaciji je jasno navedeno: „*Svaka stranica ponude mora biti potpisana od strane ovlaštenog lica ponuđača i ovjerena pečatom ponuđača*“. Obzirom da ponuđač „Lala i Laćo“ d.o.o. Bijeljina nije pripremio ponudu u skladu sa tenderskom dokumentacijom ugovornog organa to se njegova ponuda odbacuje kao nepravilna ponuda.

Ponude ponuđača „Bosna-Kom“ d.o.o. Gračanica i „Redex“ d.o.o. Banovići su sačinjene u skladu sa tenderskom dokumentacijom ugovornog organa, sadrže sve zahtjevane dokaze i iste su ocjenjene prihvatljivim.

Prihvatljive ponude ponuđača Univerzitet je unio u bazu e-nabavke da bi se iste vrjednovale u odnosu na zadani kriterij "Najniža cijena i to putem e-aukcije, u skladu sa Pravilnikom o uslovima i načinu korištenja e-aukcije ("Službene novine BiH" broj: 66/17).

Nakon uspješno okončane e-aukcije i u skladu sa Izvještajem o toku i završetku e-aukcije od 10.04.2023. godine sačinjena je slijedeća rang lista ponuda po povoljnosti:

1. "Redex" d.o.o. Banovići,
2. "Bosna-Kom" d.o.o. Gračanica.

Budući da je ponuda ponuđača "Redex" d.o.o. Banovići prihvatljiva, u svemu zadovoljava zahtjeve Univerziteta predviđene tenderskom dokumentacijom i nakon provedene e-aukcije, ima najnižu ponuđenu cijenu to je Komisija predložila da se istom dodijeli okvirni sporazum i ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli Direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se izjaviti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1 Tuzla.

Prilog: Zapisnik o pregledu i ocijeni ponuda broj:

01-13-JN-9/23 od 17.04.2023. godine


Izvještaj o toku i završetku e-aukcije od 10.04.2023.godine

DOSTAVITI:

1x učesnicima

1x web portal

1x a/a



DIREKTOR ZA
EKONOMSKE POSLOVE

Husein Matović
Husein Matović, dipl. oec.